



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի  
օգնականների դասավանդման հմտությունների զարգացման  
ապահովում» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

|                        |   |
|------------------------|---|
| Դպրոց՝                 | ՀՀ Լոռու մարզի «Վանաձորի թիվ<br>8 հիմնական դպրոց» ՊՈԱԿ                              |
| Թեմա՝                  | Աշակերտ-ծնող-ուսուցիչ<br>համագործակցությունը<br>ներառական կրթության<br>համատեքստում |
| Վերապատրաստող, մենթոր՝ | Նարինե Բաղդասարյան  |
| Կատարող՝               | Մ. Էվինյան  |

Վանաձոր 2023

# ԲՈՎԱՆԴԱԿՈՒԹՅՈՒՆ

|   |    |
|---|----|
| ՆԵՐԱԾՈՒԹՅՈՒՆ -----  | 3  |
| ԳԼՈՒԽ 1.  |    |
| ԱՇԱԿԵՐՏ-ԾՆՈՂ-ՈՒՍՈՒՑԻՉ ՀԱՄԱԳՈՐԾԱԿՑՈՒԹՅԱՆ ԴԵՐԸ, ՍԿԶԲՈՒՆՔՆԵՐԸ<br>ԵՎ ՈՒՂՂՈՒԹՅՈՒՆՆԵՐԸ ԵՐԵԽԱՅԻ ԿՐԹՈՒԹՅԱՆ<br>ԿԱԶՄԱԿԵՐՊՄԱՆԳՈՐԾԸ ՆԹԱՑՈՒՄ |    |
| 1.1. Համագործակցության դերը -----   | 6  |
| 1.2. Համագործակցության սկզբունքները -----   | 11 |
| 1.3. Համագործակցության ուղղությունները -----  | 13 |
| 1.4. Համագործակցության արդյունքները -----   | 15 |
| ԳԼՈՒԽ 2.  |    |
| ԸՆՏԱՆԻՔԻ ԵՎ ԴՊՐՈՑԻ ՀԱՄԱԳՈՐԾԱԿՑՈՒԹՅԱՆ ԿԱՐԵՈՐՈՒԹՅՈՒՆԸ -----   | 17 |
| ԵԶՐԱԿԱՑՈՒԹՅՈՒՆ -----  | 18 |
| ԱՌԱՋԱՐԿՈՒԹՅՈՒՆ -----  | 19 |
| ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ ԵՎ ՀՂՈՒՄՆԵՐ -----   | 20 |



## ՆԵՐԱՇՈՒԹՅՈՒՆ

Յուրաքանչյուր երեխա ունի կրթության հիմնարար իրավունք, ինչն ամրագրված է ՀՀ օրենքներով[1], միջազգային պայմանագրերով և մի շարք ենթաօրենսդրական ակտերով: Ներառական կրթությունը այն կրթությունն է, որի դեպքում բոլոր աշակերտների հանդեպ պետք է ապահովվի հավասար, սակայն ոչ նույնակերպ վերաբերմունք՝ ստեղծելով սովորողների հետ համագործակցող, նրանց աջակցող, դաստիարակող միջավայր, որը պետք է տրամադրի բոլորանհրաժեշտպայմաններնուհարմարությունները, որպեսզի աշակերտները կարողանան հասնել հաջողությունների:

Դեռևս հին ժամանակներից երեխաների դաստիարակության գործընթացով հիմնականում զբաղվել են ուսուցիչները՝ անտեսելով սովորողի ընտանեկան կրթական միջավայրի առանձնահատկությունները: Այժմ ուսումնականհաստատություններումկրթական ծրագրերը պետք է իրականացվի՝ հաշվի առնելով սովորողիանհատականությունը:Ինչպես հայտնի է, անհատականություն ձևավորվում է ընտանիքում, քանի որերեխան իր ժամանակի մեծ մասն անցկացնում էընտանիքում և նրա զարգացման վրա մեծ ազդեցություն ունիընտանեկան միջավայրը:Միննույն ժամանակ մեծ է դպրոցի դերը անհատի զարգացման,ձևավորման և դաստիարակությանգործում:Կրթական գործընթացի ճիշտ կազմակերպման կարևորագույն գործոններից մեկը աշակերտի, ծնողի,

ուսուցչի միջև համագործակցությունն է: Ուսուցչի սովորողի, ծնողիկամ նրա օրինական ներկայացուցչի հետ համագործակցությունը պետք է իրականացվի՝ հաշվի առնելով Բարձր մարդկային որակները, էթիկայի նորմերը: Երբ ընտանիքը և ուսումնական հաստատությունը աշխատում են համագործակցելով՝ երեխայի կարիքին համապատասխան, միջավայրային հարմարեցումների ապահովումը ավելի հեշտ է դառնում, ինչի արդյունքում շահում է հենց երեխան: Այս նախադրյալները նպաստում են, որպեսզի դպրոցն ու ընտանիքն ունենան միանման սպասումներ ու օժանդակ են երեխայի ուսման գործընթացին:

Ըստ ռուս մեծ ուսուցիչ Սուխոմլինսկու՝ «Ընտանիքում արմատներ են գցվում, որոնցից հետո աճում են ճյուղեր, ծաղիկներ և պտուղներ»:[2]

**Թեման արդիական է** մեր օրերում, քանի որ ՀՀ-ում իրականացվում է համընդհանուր ներառական կրթություն: Նախաձեռնվել են նոր ընդունված համակարգի նախնական զանազան ծրագրեր՝ ուսուցիչներին կրթության առանձնահատուկ պայմանների կարիք ունեցող երեխաներին օժանդակելու համար, որոնց բավարարման համար շատ կարևոր է ճիշտ կազմակերպված աշխատանքը, որտեղ ուսուցիչը կարողանում է լուծում տալ շատ խնդիրների, զարգացնում է իր մանկավարժական որակները, ձեռք է բերում բազմաթիվ նոր ու պահանջված կարողություններ: Հետազոտության արդիականության համար իմք է հանդիսացել նաև կյանքի՝ մարտահրավերներով լի ժամանակակից շրջափուլում սովորողի կրթական կարիքների ապահովման շրջանակներում ծնող-ուսուցիչ հաստատուն կապի անհրաժեշտությունը, որն ունակ է մեծապես ազդել սովորողի ուսումնառության որակի բարձացման վրա:

**Հետազոտական թեմայի նպատակը՝** համագործակցության միջոցով ցույց տալ և ապացուցել, որ համագործակցային աշխատանքը, որքան դրական ազդեցություն կարող է ունենալ ուսումնական հաստատության գործունեությանն ուսուցիչների աշխատանքի վրա: Այս ամենին հասնելու համար պետք է.

- կապ ստեղծել դպրոցի և սովորողի ծնողի միջև
- ներգրավել ծնողի նպրոցական գործընթացին, համագործակցել ուսումնադաստիարակչական աշխատանքների կազմակերպման

Ժամանակ, ներգրավել դասարանական, համադպրոցական, արտադպրոցական միջոցառումներին

- բարենպաստ պայմաններ ստեղծել սովորողի լիարժեք սոցիալական զարգացման, դաստիարակության գործընթացում
- ցույց տալ ուսուցչի արդյունավետության փոխհամագործակցության դրական ազդեցությունը սովորողի կրթության ու դաստիարակության գործընթացում:

**Հետազոտության թեմայի խնդիրը՝** ուսումնասիրել ներառական կրթության դերը, բազմամասնագիտական թիմի գործունեության առանձնահատկությունները, դիտարկել մանկավարժահոգեբանական թիմի աջակցող մասնագետ-աշակերտ-ուսուցիչ-ծնող համագործակցության դերը արդյունավետության հասնելու գործընթացում, ինչպես նաև ձևակերպել և հիմնավորել համագործակցության անհրաժեշտությունը դպրոցում, ցույց տալ կարևորությունն ու արդյունավետությունը, ներգրավել ծնողներին իրենց երեխաների կրթությանը վերաբերող հարցերի մասին որոշումներ կայացնելու գործում:

# ԳԼՈՒԽ 1. ԱՇԱԿԵՐՏ-ԾՆՈՂ-ՈՒՍՈՒՑԻՉ ՀԱՄԱԳՈՐԾԱԿՑՈՒԹՅԱՆ ԴԵՐԸ, ՍԿԶԲՈՒՆՔՆԵՐԸ ԵՎ ՈՒՂՂՈՒԹՅՈՒՆՆԵՐԸ ԵՐԵԽԱՅԻ ԿՐԹՈՒԹՅԱՆ ԿԱԶՄԱԿԵՐՊՄԱՆ ԳՈՐԾՆԹԱՑՈՒՄ

## 1.1. ՀԱՄԱԳՈՐԾԱԿՑՈՒԹՅԱՆ ԴԵՐԸ

Ըստ Քրիստոֆեր Ռիվի՝ «Սկզբում երազանքներն անհնար են թվում, այնուհետև՝ անիրականանալի, իսկ հետո՝ անխուսափելի»:[3]



Երեխայի զարգացման գործընթացում ընտանիքը այն կարևորագույն օղակն է, որտեղ տեղի է ունենում ամենակարևորը՝ երեխաների ծնունդն ու դաստիարակությունը, հասարակության ապագա անդամների նյութական և հոգևոր արժեքների ստեղծումն ու անհատականության ձևավորումը: Հայտնի է, որ ընտանեկան միջավայրում տեղի է ունենում երեխայի առաջնային սոցիալականացումը, դերային և վարքագծային կարծրատիպերի, արժեքային համակարգերի և աշխարհայացքի ձևավորումը: Առաջին հերթին ընտանիքն է հոգ տանում երեխայի անվտանգության և կարիքների մասին, կրթում ու դաստիարակում նրան, ապահովում հոգեբանական հանգստություն ու հարմարավետություն: [4]

Երբ երեխան դառնում է դպրոցահասակ, դաստիարակման և կրթման գործընթացը տեղափոխվում է կրթական հաստատություն: Այս փուլում ընտանիքը հանդիսանում է այն սոցիալական միջավայրը, որտեղ երեխան դպրոցում անցկացրած ժամերից հետո փորձում է վերլուծել օրվա իրադարձությունները, սպավորությունները և տեղեկությունները:

Հատկանշական է, որ դպրոցական կյանքում ծագող խնդիրների նկատմամբ երեխայի վերաբերմունքի մեջ գերակշռող մաս են կազմում ընտանեկան միջավայրում ձեռք բերված սոցիալական դիրքորոշումները, որոնք նպաստում կամ խոչընդոտում են դժվարությունների դրսևորմանը, այդ իսկ պատճառով ընտանիքի դերը երեխայի հոգեկան առողջության գործում եղել և մնում է միշտ արդիական:

Երեխայի կյանքում կրթական հաստատության գոյությունը չի նվազեցնում ընտանիքի դերի կարևորությունը, ուստի շատ կարևոր է, որ ընտանիքն ու դպրոցը հանդես գան որպես գործընկերներ, [5] քանի որ դպրոցների, ծնողների, սովորողների և մասնագետների միջև համագործակցությունը կրթական գործընթացի կարևոր գործոններից մեկն է, հատկապես ներառական կրթության պայմաններում, երբ հաջողությունը կախված է կրթության գործընթացին մասնակցող բոլոր օղակներից և մարդկանցից:

Երբ ծնողի ներգրավվածությունը երեխայի կրթության կազմակերպման գործընթացում հասնում է նվազագույն մակարդակի, ընտանիքը դուրս է մղվում երեխայի կրթության հարցերով զբաղվող թիմի աշխատանքներից: Նրան կարծես տրվում է միայն մասնագիտական կարծիք՝ լսողի դերը: Մանկավարժական աշխատանքները երեխայի գնահատականների, ծրագրային նպատակների վերաբերյալ տեղեկություն հաղորդելիս օգտագործում են մասնագիտական բառապաշար, որը ոչ միշտ է հասկանալի ընտանիքի անդամներին և անուղղակի ուղերձ է առ այն, որ նրանք թիմի անդամ չեն: Արդյունքում համագործակցություն տեղի չի ունենում: [6]

Լավ արդյունքի հասնելու համար դպրոցը պետք է հետաքրքրված լինի ծնողների հետ ակտիվ համագործակցությամբ: Համագործակցության համար գոյություն ունի Դեյի

<< Ծնողների ապրումակցման քարտեզ >> [7] գործիք, որի միջոցով մասնագետները կարող են վեր հանել այն ոչ տեսանելի թյուրմտումները, որոնց պատճառով ընտանիքը չի ցանկանում մասնակցել երեխայի դպրոցական կյանքին: Այս քարտեզն ուսուցիչներին հնարավորություն է տալիս ավելի լավ հասկանալ ընտանիքի պատկերացումները, իսկ ընտանիքին օգնում է ավելի ընդունվելու: Քարտեզը խթանում է ուսուցիչներին մտածել չորս հարցերի շուրջ

ա) ի՞նչ են զգում և մտածում ծնողները

բ) ի՞նչ են տեսնում և լսում ծնողները

զ) ի՞նչ են անում և ասում ծնողները

դ) ի՞նչ են ցանկանում ծնողները(աղյուսակ 10)

### Աղյուսակ 1. Ծնողների ապրումակցման քարտեզ

|   |                                   |
|---|-----------------------------------|
| Ի՞նչ են մտածում ու զգում ծնողները       | Ի՞նչ են տեսնում ու լսում ծնողները |
| Ի՞նչ են ասում և անում ծնողները          | Ի՞նչ են ցանկանում ծնողները        |
| Ի՞նչ մտավախություններ ունենր նտանիքները | Ի՞նչ օգուտ են քաղում ընտանիքները  |

Այս գործիքի կիրառության ընթացքում տեղի է ունենում համագործակցություն ընտանիքի և դպրոցի միջև, որի արդյունքում փոխվում է ընտանիքի դերը: Ընտանիքի դերը վերափոխվում է երեխայի ուսումնառության պլանավորման գործընթացին վերաբերող տեղեկատվությունը պասիվ ստացողից՝ դառնալով ակտիվ մասնակցողի: Այս գործընթացը վճռական նշանակություն ունի հատկապես կրթության առանձնահատուկ պայմանների կարիք ունեցող սովորողների մանկավարժահոգեբանական աջակցության ճիշտ պլանավորման և արդյունավետ իրականացման համար: [8]

Մ. Երմոլովայի հետազոտությունները փաստում են, որ երբ ծնողներն ակտիվ մասնակցում են ուսուցման գործընթացին, երեխան ցուցաբերում է ավելի բարձր առաջադիմություն, դրական վարք, հարգալից վերաբերմունք դասընկերների, դպրոցի և ուսուցիչների հանդեպ, ունենում է հավատ սեփական աձի և հնարավորությունների նկատմամբ, ինչն էլ խթանում է նրանց ակտիվությունն ու մասնակցությունն ուսուցման գործընթացում: [9] Փորձը ցույց է տալիս, որ ծնողների և ուսուցիչների շփման և արդյունավետ համագործակցության արդյունքում նկատվում են սովորողի կայուն և շարունակական ձեռքբերումներ. նրանց մոտ ավելի արագ են ձևավորվում և զարգանում սոցիալական հմտությունները, վարքը դրականորեն է վերափոխվում ինչպես տանը, այնպես էլ՝ դպրոցում: Այդ հմտությունները կարևոր են ինչպես դպրոցական գործունեության համատեքստում, այնպես էլ՝ ապագա մասնագիտական գործունեության ընթացքում: [10] Ըստ հայտնի մանկավարժ Ջ.Դիլոնի՝ երեխաները դպրոցը պետք է պատկերացնեն մի վայր, որտեղ նրանց ջանքերը հանգում են



հաջողությունների, և այդ հաջողությունները մեծանում են, երբ ծնողները և ուսուցիչները գտնվում են սերտհամագործակցության մեջ և պատրաստ են օգնել երեխային անհրաժեշտության դեպքում: Հենց այս պարզ պատճառով էլ դպրոցը պետք է ստեղծի բարենպաստ և հարմարավետ միջավայր ուսումնական գործընթացի սահուն և արդյունավետ իրականացման համար, որտեղ երեխան կարող է ունենալ բազմաթիվ հետաքրքրություններ, լինել նախաձեռնող, մասնակցել մի շարք որոշումների կայացմանը, սովորել ինքնապաշտպանություն և այլն: Ընտանիքի և դպրոցի համագործակցության գործընթացը ենթադրում է միասնական մոտեցումներ և պարտավորություններ երեխայի կրթական գործընթացում: Համագործակցության ընթացքում դպրոցը պետք է ներգրավի ծնողին դպրոցական միջավայրում՝ թույլ տալով նրանց ակտիվ մասնակցել դպրոցի կազմակերպած միջոցառումներին կամ երեխայի կրթության մասին որոշումների ընդունմանը՝ հանդես գալով որպես լիիրավ գործընկերներ:[11]Այս գործընթացը նաև նպաստում է ծնողավարման հմտությունների զարգացմանը: Համագործակցության արդյունքում փոփոխվում են ծնողների սոցիալական, հուզական և անձնային հատկանիշները. նրանք սկսում են ավելի լավ հասկանալ իրենց երեխաներին, դառնում են ավելի հոգատար, ինքնավստահ, գնահատում են երեխայի ձեռքբերումները, ավելի մեծ ուշադրություն դարձնում նրա սոցիալական, հուզական և մտավոր զարգացմանը, հաճույքով միանում են երեխայի կրթության և դաստիարակության գործընթացին, ինչպես նաև դրական հարաբերություններ են ստեղծում իրենց երեխայի ուսուցիչների հետ: Համագործակցությունը դրականապես է անդրադառնում ոչ միայն սովորողի ընտանիքի վրա, այլև դպրոցի վրա, քանի որ ուսուցիչներն ավելի ինքնավստահ են դառնում, ձևավորվում է հարգանք սեփական մասնագիտության և կատարված աշխատանքների նկատմամբ, աճում է դպրոցի հեղինակությունը հասարակության մեջ, դպրոցական ծրագրերը դառնում են ավելի հաջողված:[12]Այսպիսով՝ ուսուցիչ-ծնող-մասնագետ համագործակցության նպատակն է խրախուսել կայուն, շարունակական և արդյունավետ գործունեություն դպրոցական համայնքի բոլոր անդամների միջև՝ ուսուցիչ, մասնագետ, ծնող և սովորող: Արդյունավետ համագործակցության համար անհրաժեշտ է ստեղծել՝

- գործուն և ակտիվ խմբեր, որոնք ուղղված կլինեն գործողությունների պլանավորմանը, կազմակերպմանը, իրագործմանն ու գործընկերային հարաբերությունների գնահատմանը

- քաղաքականություն և ռազմավարություն դպրոցական կրթության համատեքստում, որտեղ հստակ ամրագրված կլինեն արդյունավետ համագործակցության սկզբունքները և փորձը

- օգնության տրամադրման հնարավորություն համացանցի միջոցով, որը թույլ կտա դպրոցական հաղորդագրություններում կիսվել մտահղացումներով, խնդիրներով,

- արդյունքների, գրանցած հաջողությունների հաշվետվությաններ, կայացման հստակ մեխանիզմները

- տարեկան պլանի իրականացման համար համագործակցային գործողությունները

- տեղեկատվական նյութերի տրամադրման հարթակները՝ դպրոցներում իրականացվող համագործակցային ծրագրերին օժանդակելու նպատակով:[13]

## 1.2. ՀԱՄԱԳՈՐԾԱԿՑՈՒԹՅԱՆ ՄԿՁԲՈՒՆՔՆԵՐԸ

Անժխտելի է, որ ընտանիք-դպրոց համագործակցությունը դրական անդրադարձ է ունենում ուսումնական գործընթացի մասնակիցների վրա և բարձրացնում է ուսումնական գործընթացի արդյունավետությունը:

Ընտանիք-դպրոց համագործակցությունը բարդ գործընթաց է, որն ունի բազմաթիվ մեխանիզմներ, սկզբունքներ, մոտեցումներ: Դպրոցի և ծնողների համագործակցային աշխատանքները կարող են իրականացվել ինչպես խմբային (ծնողական ակումբներ, խմբային խորհրդատվություններ, խնդիրների քննարկումներ, բաց դռների օր, ծնողական դասախոսություններ, ծնողական ժողովներ, փորձի փոխանակման ծրագրեր, հարց ու պատասխանի երեկոներ), այնպես էլ անհատական (անկետավորումներ, խորհրդատվություններ, տնայցեր, զրույց, հիշեցման թերթիկներ, գործնական աշխատանքներ, նամակագրություն, հեռախոսային զրույցներ) ձևերով: Ծնողական ժողովը ծնողների հետ աշխատանքի հիմնական ձևն է, որի միջոցով լուծվում են որոշակի խնդիրներ: Սակայն միայն ծնողական ժողովները բավարար չեն արդյունավետ համագործակցություն ձևավորելու համար: Դպրոցի և ընտանիքի համագործակցության ամենաարդիական և պահանջված ուղղություններից մեկ այլ ձև է ծնողների համար խորհրդատվությունների կազմակերպումը:

Հիմնականում այդ խորհրդատվությունները կրում են անհատական բնույթ: Այդ ընթացքում ընտանիքին տրամադրվում է ոչ միայն մանկավարժական տեղեկատվություն, այլև ցույցաբերվում է հուզական աջակցություն: Այսպիսով՝ մանկավարժները և ծնողներն ունեն ընդհանուր նպատակներ և առանց նրանց համագործակցության երեխայի կյանքը լիարժեք չէ: Այսպիսով՝ դպրոցը երեխային տալիս է ակադեմիական գիտելիքներ և ձևավորում գիտակցական վերաբերմունք իրականության նկատմամբ, իսկ ընտանիքն իր հերթին ապահովում է երեխայի գործնական փորձառությունը կյանքում: Արդյունավետ համագործակցության համար անհրաժեշտ է հետևել ստորև ներկայացված սկզբունքներին:

**Վստահել:** Ծնողների հետ արդյունավետ շփումը և հաղորդակցումը սկսում էլվստահությունից: Կարևոր է, որ ուսուցիչները վստահեն ընտանիքին, իսկ

ընտանիքն էլ իր հերթին պետք է վստահի ուսուցիչներին, և ակտիվ մասնակցություն ցուցաբերեն իրենց երեխայի կրթության ու զարգացման գործընթացում: Երբ ծնողը ինչ-որ բան է պատմում ուսուցչին, պետք է վստահեցնել նրան, որ այդ տեղեկությունը գաղտնի է: Պահպանել երկկողմանի կապ: Արդյունավետ հաղորդակցում հաստատելը թույլ է տալիս երկու կողմերին էլ հասկանալ միմյանց պահանջները և նպատակները: Երբ ուսուցիչը խոսում է ծնողների հետ, պետք է հարցեր տա ոչ միայն ուսումնական բնագավառներից, այլև աշակերտի հետաքրքրություններից: Հարցերի միջոցով ուսուցիչը կարող է տեղեկատվություն հավաքել ոչ միայն աշակերտի, այլ նաև նրա ընտանիքի վերաբերյալ:

**Համագործակցել:** Համագործակցող կողմերը ընդհանուր նպատակներ սահմանելիս պետք է ընդհանուրեզրեր գտնեն հաջողության հասնելու համար: Երբ առաջանում է որևէ խնդիր, դժվարություն, պետք է այն քննարկել ծնողների հետ: Պարբերաբար շփվեք ծնողների հետ, և նրանք էլ իրենց հերթին կներկայացնեն ձեզ այն խնդիրները, դժվարությունները, որոնք նկատել են երեխայի մոտ: Ուսուցիչը պետք է միշտ հիշի, որ ընտանիքները տարբեր են, և բոլորի հետ գործընկերային հարաբերություններ հաստատելիս պետք է ցուցաբերել անհատական մոտեցում:**Կրել ընդհանուր պատասխանատվություն:** Ծնողները և ուսուցիչները պետք է կիսեն պատասխանատվությունը տանը և դպրոցում ծագած խնդիրների լուծման ժամանակ՝ սահմանելով հստակ նպատակներ, ռազմավարություններ և ձգտել միևնույն արդյունքին:

**Լավատես լինել:** Ծնողների և ուսուցիչների փոխհարաբերությունները կառուցվում են լավատեսության հիմքի վրա: Երբ ուսուցիչը հաղորդակցվում է ընտանիքի անդամի կամ սովորողի հետ, անհրաժեշտ է խոսակցությունը սկսել դրական, լավատեսական նոտայով:

**Պահպանել ջերմ հարաբերություններ:** Դպրոցը երկար ճանապարհ է անցնում ծնողների հետ, ուստի պետք է փորձել պահել ջերմ և բարիդրացիական հարաբերություններ:

**Եղեք ընդունող և աջակցող:** Յուրաքանչյուր դժվարին իրավիճակում ուսուցիչը պետք է առաջարկի իր աջակցությունը ծնողին:

**Խթանել և քաջալերել:** Որպեսզի ծնողը իրեն զգա արժեքավոր, սովորողը պիտիլսի ծնողի առաջարկները, ուսուցումն արդյունավետ կազմակերպելու նրա մոտեցումները: Խթանեք, որպեսզի ծնողներն առաջարկեն օգնության իրենց տարբերակները, կիսվեն Ձեզ հետ իրենց կողմից արձանագրած հաջողություններով:[14]

### 1.3. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ

Կրթական գործընթացում ծնողներին ներգրավելու և նրանց հետ արդյունավետ համագործակցելու նպատակով իրականացվող աշխատանքները տարվում են 4 հիմնական ուղղություններով՝ ճանաչողական, տեղեկատվական-վերլուծական, ակնառու-տեղեկատվական և ժամանցային: Ճանաչողական ուղղության նպատակն է ծնողներին ծանոթացնել երեխաների տարիքային և հոգեբանական զարգացման առանձնահատկություններին և նրանց մոտ ձևավորել երեխաների դաստիարակման գործնական հմտություններ: Այս ուղղությամբ աշխատանքներն իրականացվում են ընդհանուրկամ խմբային հավաքների, խորհրդատվությունների, անհատական զրույցների, սեմինարների, երեխաների ձեռքի աշխատանքների ցուցահանդեսների, ծնողների մասնակցությամբ հանգստի, ժամանցային միջոցառումների, համատեղ էքսկուրսիաների, զբոսանքների, արշավների կազմակերպման, բաց դասերի միջոցով:

Ծնողների մասնակցությամբ հանգստի, ժամանցային միջոցառումների, համատեղ էքսկուրսիաների, զբոսանքների, արշավների կազմակերպումը, ինչպես նաև բաց դասերը հնարավորություն են տալիս ծնողներին դիտարկել իրենց երեխաներին այնպիսի իրավիճակներում, որոնք տարբերվում են ընտանեկան իրավիճակներից, համեմատել իրենց երեխաների վարքն ու հմտությունները մյուս երեխաների վարքի և հմտությունների հետ, ուսուցիչներից ընդօրինակել դաստիարակության և ուսուցման մեթոդներ և հնարներ և, ի վերջո, ուսուցչի հետ համատեղ ստեղծել զարգացնող միջավայր երեխաների համար: Տեղեկատվական-վերլուծական ուղղության նպատակն է բացահայտել ծնողների հետաքրքրություններն ու պահանջմունքները, ինչպես նաև նպաստել ուսուցիչների, ծնողների և աշակերտների միջև հուզական կոնտակտի

հաստատմանը: Այս տարբերակում կարելի է կիրառել տարբեր մեթոդներ, օրինակ՝ անկետավորում, թեստավորում, անհատական զրույցներ. աշխատանքները պետք է սկսել ծնողների սոցիալական կարգավիճակի, դպրոցից նրանց սպասումների և ակնկալիքների վերլուծությունից: Ակնառու տեղեկատվական ուղղության նպատակն է տեղեկատվություն հաղորդող նյութերը ձևակերպել և մատուցել այնպես, որ գրավի ծնողների ուշադրությունը, ներկայացնել գեղագիտորեն, էսթետիկ ձևավորված, մշտապես թարմացնել դրանց պարունակությունը, որպեսզի չկորչի դրանց հանդեպ ծնողների հետաքրքրությունը (օրինակ՝ նյութը տպված լինի գունավոր թղթերի վրա, լինեն նկար-սիմվոլներ, երեխաների խմբային նկարներ և այլն): Ժամանցային ուղղությունը միտված է ստեղծելու ջերմ, վստահելի, հուզական հարաբերություններ ծնողների և ուսուցիչների, ծնողների և երեխաների, սովորողների և ուսուցիչների միջև: Աշխատանքների այս ուղղությունն ամենապահանջվածը, ամենացանկալին, ամենաօգտակարն է: Ժամանցները, տոները պետք է կազմակերպել ոչ թե ծնողների համար, այլ ծնողների անմիջական մասնակցությամբ, որպեսզի նրանք պատկերացնեն, թե որքան ուժ, եռանդ պետք է ներդնել ցանկացած միջոցառում կազմակերպելու համար: Արդյունավետ է նաև այդ միջոցառումներին բոլոր ծնողների համագործակցությունը, շփումը միմյանց հետ:[15]



#### 1.4. ՀԱՄԱԳԵՐԾԱԿՑՈՒԹՅԱՆ ԱՐԴՅՈՒՆՔՆԵՐԸ

Երեխաները տարբեր են ինչպես իրենց բնույթով և մտածելակերպով, այնպես էլ կրթությանմեջ իրենց դժվարություններով:Նրանք կարող են դժվարություններ ունենալ կարդալիս, գրելիս, շրջապատող մարդկանց հետ հաղորդակցվելիս, որի համար էլ նրանց պետք է օգնել, աջակցել: Ոմանց մոտ դժվարությունները ժամանակավորբնույթ են կրում, իսկ ոմանք երկարատև մասնագիտական աջակցության կարիք են ունենում այդ դժվարությունները հաղթահարելու համար: Երբեմն կարող է միայն թվալ, թե խնդիրները երկարատև ու շարունակական աջակցություն ենպահանջում, բայց արի ու տես,որ ճիշտ պլանավորած քայլերի շնորհիվ հնարավոր է հասնել անսպասելի արդյունքներին:

Նույն խնդրին բախվեցի նաև ես, երբ ծանոթացա սովորողի խնդիրներին:

Սովորողը 7 տարեկան է ,ունիինտելեկտուալ մտավոր ֆունկցիայի,ձայնի և խոսքի ֆունկցիայի խանգարումներ, բնականաբար սովորողը ունի կրթությանառանձնահատուկպայմանների կարիք: Նրա մոտնկատվում էինդժվարություններ ուսուցման գործընթացում, նկատելիէին հնչարտաբերման խանգարումներ. հնչյունները արտաբերում էր սխալ, աղավաղված, բնականաբար, խոսքը թերի էր, ոչ հասկանալի:Առնչվելով այս ամենին՝ օգտվեցի <<լուսակիր>>մեթոդից:(աղյուսակ 2)

**Աղյուսակ 2.<<Լուսակիր>> մեթոդ**

|                                 |
|---------------------------------|
| <b>1-ին փուլ Ղաղարի պահ</b>     |
| <b>2-րդ փուլ Նախագգուշացում</b> |
| <b>3-րդ փուլ Առաջընթաց</b>      |

**Առաջին փուլ (ղաղարի պահ)** Այս փուլում մեզմոտ զաղարի շրջան էր, սովորողի մոտ չէր ստացվում անվանել հնչյուն-տառերը : Մեթոդի նպատակն է փոքրիկ հուշումների միջոցով օգնել սովորողին, որպեսզի արտասանի հնչյունների անունները , որի օգնությամբ էլ կարտասանի իրեն ծանոթ հնչյուն-տառերը .

օրինակ` <<Ա >> հնչյուն-տառը արևն է, <<Ս>> հնչյուն-տառը սունկն է, <<ՈՒ>> հնչյուն-տառը ուլն է:

**Երկրորդ փուլ (մեթոդի կիրառում)** Այս փուլում սովորողը սկսեց փոքր քայլերով շարժվել առաջ, մեթոդը սկսեց գործել `տալով արդյունք:

Սովորողի հետ աշխատել ենք նաև հնչյունների տառապատկերներով կազմված համապատասխան նկար-բառերով (քարտեր): Որից հետո կրկնել ենք այդ հնչյուններով կազմված բառերը:

**Երրորդ փուլ (արդյունք)** Այս փուլում արդեն ունեինք գրանցված արդյունք:

Առաջնորդվել ենք այնխոսքերով , որ հանդուրժելը գործի սկիզբն է: Մեթոդը սվեց իր արդյունքը: Շնորհիվ սովորողի հետ համատեղ աշխատանքի` հասանք այն արդյունքին, որ սովորողը ինքնուրույն էր անվանում իրեն ծանոթ հնչյուններով սկսվող նկար- բառերը:

Այսպիսով` մասնագետ-աշակերտ-ծնող-ուսուցիչ ճիշտ համագործակցությունը բերում է դրական արդյունքի` բարելավելով երեխայի ուսումնառության գործընթացը:



**Գլուխ 2. ԸՆՏԱՆԻՔԻ ԵՎ ԴՊՐՈՑԻ  
ՀԱՄԱԳՈՐԾԱԿՑՈՒԹՅԱՆ ԿԱՐՆՈՐՈՒԹՅՈՒՆԸ**

Ներառական կրթությունը պահանջում է մասնագետների և ընտանիքի կողմից համագործակցություն, երեխաների համար լավագույն միջավայրերի ստեղծում համատեղ ջանքերով, որպեսզի վերջիններս հաջողության հասնեն դպրոցում և հասարակական կյանքում:

Զարգացման առանձնահատկությամբ սովորողների ընտանիքների և մասնագետների հանդիպումները տեղի են ունենում մանկավարժահոգեբանական գնահատման, քննարկումների, խորհրդակցությունների ժամանակ: Երբ ընտանիքներն ու մանկավարժները հանդես են գալիս որպես գործընկեր, ավելի հավանական է դառնում բոլոր երեխաների ուսումնառության հաջող ընթացքը: Ընտանիքի ներգրավումը կրթական գործընթացում տրամաբանական է և արդյունավետ: Երբեմն ընտանիքները դեմ են լինում թիմում ներգրավվելուն: Նրանք չեն պատկերացնում թիմում ներգրավվելու ընթացքը, իրենց դերը երեխայի հետ իրականացվելիք աշխատանքների պլանավորման մեջ՝ կարծելով, որ դա բացառապես մասնագետի կամ ուսուցչի անելիքն է: Երեխայի առաջադիմության և վարքի մասին ընտանիքին տեղեկացնելը էական նշանակություն ունի հարաբերությունների զարգացման գործում: Միայն խնդիրների մասին լսելով՝ ծնողները կարող են ձգտել քիչ առնչվել ուսուցչի հետ, ուստի կապը հետզհետե կլիզվի: Ծնողների հետ շփման ժամանակ պետք է ստեղծել բարյացակամ և հաճելի միջավայր, պահպանել տվյալների գաղտնիությունը, տեղեկությունը հաղորդել բոլորին հասանելի բառապաշարով, առանց մասնագիտական եզրույթների, գործի դնել ակտիվ լինելու հմտությունները՝ ապրումակցմամբ և առանց քննադատելու:

## *ԵԶՐԱԿԱՅՈՒԹՅՈՒՆ*

Ընտանիքի և դպրոցի համագործակցությունը ավելի արդիական և պահանջված է: Մասնագետ-աշակերտ-ծնող-ուսուցիչ համագործակցությունը բավականին պատասխանատու գործընթաց է:

Կողմերը պետք է քաջ գիտակցեն, որ իրենց համագործակցության հիմքում կրթության առաջնային շահերի՝ սովորողների սովորելու իրավունքի իրականացումն է: Կողմերի համագործակցությունը պետք է հիմնված լինի մարդկային բարձր ու բարոյական որակների վրա: Կարևոր հանգամանք է նաև մանկավարժական խորհրդատվությունը:

Կարևոր է նաև փոխադարձ հարգանքն ու այն գիտակցումը, որ կողմերի արդյունավետ աշխատանքն ուղիղ համեմատական է արժեքային համակարգ ունեցող, դաստիարակված ու գիտակից անձնավորության ձևավորմանը: Կարևոր է նաև, որ ներառող ուսուցիչները հասկանան ընտանիքների դերը կրթության մեջ և ակտիվ, կառուցողական ձևերով նպաստեն նրանց ներգրավմանը:

Ա.Ս.Մակարենկոն ասել է. «Մեր երեխաները մեր ծերությունն են: Ճիշտ դաստիարակությունը մեր երջանիկ ծերությունն է, վատ դաստիարակությունը՝ մեր ապագա վիշտը, մեր արտասուքները, դա մեր հանցանքն է մյուս մարդկանց առջև, ամբողջ երկրի առջև»:[16]

Որեմն կարողանանք ձևավորել կյանքի լայն իմացություն և տաղանդ, կարողանանք ճիշտ կրթության միջոցով դաստիարակել ու կերտել երկրի, ինչու չէ նաև աշխարհի ապագա պատմությունը:

Իմ հետազոտական աշխատանքում եկա այն եզրահանգման, որ ուսուցիչը, մասնագետը իր մասնագիտական աճը պետք է յուրաքանչյուր օր արձանագրի, նորը, նորամուծությունը հեշտությամբ յուրացնի, կարողանա համագործակցել թե՛ գործընկերների, թե՛ ծնողների հետ, աշակերտին մատչելի ձևով սովորեցնելու գործընթացում կիրառի և՛ առարկայական, և՛ կյանքի հմտություններ, քանի որ առանց համագործակցության դպրոցում փոփոխություններն անհնարին են: Եռակողմ կապը ավելի ամրապնդելու համար ստորև ներկայացնում եմ իմ առաջարկությունները:

## ԱՌԱՋԱՐԿՈՒԹՅՈՒՆՆԵՐ

- Հասարակության կարծրատիպերը կոտրելու համար սեմինարներ իրականացվենուչ միայն մանկավարժների համար, այլև կրթության առանձնահատուկ պայմանների կարիք ունեցող սովորողների ծնողներին բոլոր աշակերտների ծնողների համար:

- Պարբերաբար ծնողական ժողովներին անդրադառնալիս ամրնդհանուր ներառական կրթության գաղափարախոսությանը՝ վեր հանելով առկա խնդիրները/ էթե կլինեն/:

- Երբեմն ծնողների հետ անցկացվեն փակ, անանուն խորքային հարցազրույցներ, որպեսզի ճիշտ ու հստակ լուծումներ տրվեն խնդիրներին, դժվարություններին, հոգեհուզական և վարքային իրավիճակներին:

# ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ ԵՎ ՀՂՈՒՄՆԵՐ

1. <https://www.arlis.am/documentview.aspx?docid=293>

2. [https://hy.wikipedia.org/wiki/%D5%8E%D5%A1%D5%BD%D5%AB%D5%AC%D5%AB\\_%D5%8D%D5%B8%D6%82%D5%AD%D5%B8%D5%B4%D5%AC%D5%AB%D5%B6%D5%BD%D5%AF%D5%AB](https://hy.wikipedia.org/wiki/%D5%8E%D5%A1%D5%BD%D5%AB%D5%AC%D5%AB_%D5%8D%D5%B8%D6%82%D5%AD%D5%B8%D5%B4%D5%AC%D5%AB%D5%B6%D5%BD%D5%AF%D5%AB)

3. <https://hmk.am/wp-content/uploads/2022/01/inchpes-khtanel-nerarumy-dasaranum.pdf>

4. Антонов А.И. Семья как социальный институт // Основы социологии. Курс лекций. Изд. 2-е, часть II. - М.: «Знание», 1994, 304 с.

5. Տիրա, Ռ., Էրբերի, Բ., Ջոնսթոն, Ք., Պողոսյան, Ա. և Հանթ, Փ. (Խմբ.) (2018)

Ներառական կրթության նազմավարություններ: Դասագիրք: Մինեսոթա, Մինեսոթա, ԱՄՆ. Մինեսոթայի համալսարան : ՅՈՒՆԻՍԵՖ Հայաստան և

Խ.Արոլյանի անվան հայկական պետական մանկավարժական համալսարան, Երևան, Հայաստան, 249 էջ:

6. <https://hmk.am/wp-content/uploads/2022/01/inchpes-khtanel-nerarumy-dasaranum.pdf>

7. <https://www.unicef.org/armenia/media/3501/file/%D5%86%D5%A5%D6%80%D5%A1%D5%BC%D5%A1%D5%AF%D5%A1%D5%B6%20%D5%AF%D6%80%D5%A9%D5%B8%D6%82%D5%A9%D5%B5%D5%A1%D5%B6%20%D5%BC%D5%A1%D5%A6%D5%B4%D5%A1%D5%BE%D5%A1%D6%80%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80.pdf>

8. <https://www.unicef.org/armenia/media/3501/file/%D5%86%D5%A5%D6%80%D5%A1%D5%BC%D5%A1%D5%AF%D5%A1%D5%B6%20%D5%AF%D6%80%D5%A9%D5%B8%D6%82%D5%A9%D5%B5%D5%A1%D5%B6%20%D5%BC%D5%A1%D5%A6%D5%B4%D5%A1%D5%BE%D5%A1%D6%80%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80.pdf>

9. Ермолова В. М. Модель психологической поддержки семей, воспитывающих детей с нарушениями в развитии // Курский госуниверситет М.: 2011 - 254с.

10. Georgia Primary Education Project Ծնողներին երգրավվածությունը:

Հանձնարարականներ տնօրենների և ուսուցիչների համար // USAID from the American people Թբիլիսի 2015, 39 էջ:

11. Տիրա, Ռ., Էրբերի, Բ., Ջոնսթոն, Ք., Պողոսյան, Ա. և Հանթ, Փ. (Խմբ.) (2018)

Ներառական կրթության նազմավարություններ: Դասագիրք: Մինեսոթա, Մինեսոթա, ԱՄՆ. Մինեսոթայի համալսարան: ՅՈՒՆԻՍԵՖ Հայաստան և Խ.Արոլյանի անվան հայկական պետական մանկավարժական համալսարան, Երևան, Հայաստան, 249 էջ:

12. Georgia Primary Education Project Ծնողներին երգրավվածությունը:

Հանձնարարականներ տնօրենների և ուսուցիչների համար // USAID from the American people Թբիլիսի 2015, 39 էջ:

13. <https://hmk.am/wp-content/uploads/2022/01/inchpes-khtanel-nerarumy-dasaranum.pdf>

14. <https://hmk.am/wp-content/uploads/2022/01/inchpes-khtanel-nerarumy-dasaranum.pdf>

15. <https://hmk.am/wp-content/uploads/2022/01/inchpes-khtanel-nerarumy-dasaranum.pdf>

16. Ա.Ս. Մակարենկո, << Դասախոսություններ երեխաների  
դաստիարակության մասին >>, Երևան, 1941: